

登州府志

增修登州府志卷之六十一

藝文

經部

增輯易象圖說一卷

蓬萊吳脈鬯著

脈鬯字灌先明崇禎九年副貢生南渡授杭州推官不就歸里不仕圖說凡二十三篇惟側立方圖以爲豎圖乃其所自悟者以此爲立人之道與天圓地方參而爲三理亦不涉傳會

周易卦變解一卷

八宮說

附

右人著

增修登州府志

卷六十一

經部

一

與朱子本義同此本後附詠易詩三篇

周易醒詁六冊

右人著

上經自第十卦至十六卦下經自第一卦至二十八卦其繫辭傳祇上卷餘皆亡所詁皆依本義而申明之兼引宋元人下及來氏諸說頗爲明析

周易古本集注八卷

黃縣姜其垓著

其垓字萊西康熙二十一年進士雲南易門縣知縣此本乃丙子年被劾在昆明所著自序謂本其父宗海所手授卽朱子本義原編而移大象於各

卦經之下彖傳之上

用宋九江
周燾說

其定十翼以彖傳

象傳乾文言傳坤文言傳繫辭上下說卦序卦雜

卦爲次

用宋胡
旦說

未附麻衣正易心法及筮儀並本

義所列諸圖及焦氏希夷卦氣衛氏卦次納甲麻
衣反對來氏錯綜諸圖皆爲之說主於象數而不
墮外道

思寤堂易說三十二卷

福山蕭嚴著

嚴仕名程儼字長經康熙三十八年舉人河南遂
平縣知縣自序爲乾隆二年閏九月朔年七十有

增修登州府志

卷六十一

經部

二

五言自康熙乙丑三易稟而後成首二卷爲圖說
筮法三卷至二十二卷爲經傳正文畫冊爲二截
列經於上列傳於下仿本義原編法其文言及繫
辭諸傳則仍坊刻式二十三卷至二十六卷爲卦
變圖本來氏綜卦義而解之二十七至三十一卷
爲雜說三十二卷爲易叶音分經傳各叶而於傳
校密以毛氏古今通韻爲主亦不能悉合也

勉德堂讀易直解四卷

黃縣杜桂著

桂字岩仙乾隆十七年舉人貴州遵義縣知縣此

本惟卽坊刻本義於其邊際附著所見但詮理解
不及象數亦爲清慎

易經續圖纂 易經旁注 萊陽李晃著

晃乾隆五十一年 恩榜舉人加檢討銜圖纂冊
面署東耐堂序題乾隆四十年錄旁注本面題乾
隆癸丑年正陽之月八十有七手訂注亦無所發
明圖則多主先天方位而深有取於來氏錯綜義
周易精擇錄四卷 右人著

乾隆四十年山東提學黃登賢序皆采先儒成說

增修登州府志

卷六十一

經部

三

與本義相依附

易學啓蒙節要一冊 寧海曲繩文著

推論河圖洛書爲一理由圖書以畫八卦之次序
爲先天後天之方位先天出河圖後天出洛書又
撰揲扚之法一變而後不除挂一未附納音圖說

與容齋四筆第十卷法不同 亦自簡明此本祇二十三葉

易緒一卷 文登金鏞著

鏞字序東乾隆四十四年舉人汶上教諭多取折

中義

易纂四卷

福山王善寶著

善寶字矸軒乾隆四十二年舉人萊蕪訓導多用胡氏函書說以乾元爲統宗

周易緣象闡微

蓬萊姜麟士著

麟士字振趾此書演易林一卦具六十四卦之旨以三家瞳人解需三人來則鑿而鄙矣然通以寡過爲宗則有合居象玩辭居變玩占之意以道光四年歿年八十六嘗自推其亡日卷首有徐壽名序

增修登州府志

卷六十一

經部

四

周易直解二卷

棲霞牟應震著

應震字寅同乾隆四十八年舉人以青州教授歸歿於道光五年臨終猶改二爻義之未安者時年八十二

讀易解象二卷

榮成王佩搢著

佩搢字宸山諸生此本仍本義原本而以彖曰爲彖傳六爻象曰爲爻傳大象上加大字而移於爻傳之末以此爲孔子易本於折中義亦可通

同文尚書三十一篇

棲霞牟庭著

庭初名廷相字陌人乾隆六十年優貢生此本用
伏生二十八篇之舊而分盤庚爲三顧命康王之
誥爲二如孔傳本以文侯之命卽襄王命文公所
作

今文尚書二十八篇解

招遠楊鍾泰著

鍾泰字伯山嘉慶六年舉人長山訓導此本從閻
百詩以今文爲真尚書之說而爲之辭然其訓詁
仍不外孔蔡未能使經義文從字順也

禹貢讀本一卷

寧海曲由典著

增修登州府志

卷六十一

經部

五

由典字景樊分各州土壤物產賦貢類從爲篇以
便初學記誦言萊夷作牧句宜與桑土雲土句一
例不宜入貢章至于碣石入于海非指河口言尚
爲有見

典謨要義一卷

文登徐士林著

士林字式儒康熙五十二年進士官江南巡撫此
本凡五篇一爲欽明文思安安二爲闢四門三句
三爲德惟善政二句四爲慎厥身修思永五爲元
首明哉三句乃乾隆五年十二月十一日恭進以

爲奉賀元日方物文也皆由心性以達政事之言
奉 硃批語不云乎贈人以物不若贈人以言也

此本非詁經而合
經訓故附於經類

讀詩得閒錄一卷

寧海孔傳莘著

傳莘字笠園諸生以清人之軸宜與碩人之軸義

同角枕錦衾據周禮玉府及喪大記爲諸侯斂服

武丁孫子武丁宜指湯言皆爲有見

毛詩質疑六卷古韻五卷雜論一卷奇句韻考四卷

韻譜一卷名物考七卷

棲霞牟應震著

見巳

增修登州府志

卷六十一

經部

六

多不從朱傳與毛鄭亦不合如名物考以鸛鳴于
埵謂卽爾雅萑老鷓之萑然說文佳部作萑注小
爵也亦與其說不同蓋好立異義其習然也

詩切

棲霞牟庭著

見巳

其說以爲漢人但有訓詁而不爲講義以故文理
多不從順此編先詳訓詁以定字義復繹爲成語
以達於文辭使誦者易於解悟其於訓詁引證詳
博有資多識而於切語皆演經以爲有韻之文如
後世雜體詩式大雅殊不當爾也且多以里言傳

會經義亦治經之一蔽

春秋集傳折衷錄三十三卷

黃縣姜其垓著

見已

自序以爲自三傳以迄元明諸儒所述皆取其長成一家言抉聖之心執經之權未免意過其通但執意謹約無夸誕之習而以毫社災爲夫子素王之祥沿讖緯餘語殊爲失言

春秋說略十二卷

棲霞郝懿行著

懿行字恂九嘉慶四年進士據直書其事而美惡自見之義以爲經無所褒貶亦治經之一端耳

增修登州府志

卷六十一

經部

七

春秋比一卷

右人著

舉凡事之同類者分別而類合之以爲比事屬辭之例亦通經之一端也然與漢人春秋決事比迥不相涉自序以爲沿漢法非也董生春秋決事比今佚而禮記檀弓疏及通典太平御覽中尚有引之者與此不同

戴經集解一卷

榮成王佩搢著

見已

於注疏集說外頗有搜採王制養老用燕饗食禮以爲皆借義乃仿照其儀法月令祀不用犧牲以

爲宜依蔡氏章句祀本作祈解皆精細

爾雅義疏 卷

棲霞郝懿行著

見巳

其本凡三刻初刻入阮氏芸臺 皇清經解其後

陸立夫爲專刻於江寧然皆有節刪今本乃其孫

聯薇刻於濟南者懿行一生學力悉在此書校邵

氏義疏爲精密矣

纂敘朱子大全精言十二卷

文登呂瑤著

瑤雍正十年舉人按其自序乃自康熙乙未至乾

隆甲子始定蓋用桐城周大璋本而次序之亦爲

增修登州府志

卷六十一

經部

八

制義作計耳

四書叢談五卷

文登邵紳書著

紳書字誠一此本凡三百一十八篇不泥集注擇

近世講義之善取之尚不迂繆

四書講義切近錄三十六卷

蓬萊楊大受著

大受字含光乾隆五十九年舉人官青州訓導自

序成於道光甲午年八十五老於校官故竭力四

子書尚無幽曠之習

四書求是十六卷

福山王餘英著

餘英號菊潭嘉慶十四年進士湖南寧鄉知縣此本出其家刻多評駁集注亦近人爲漢學者之習然據引故實尚不疎紕至謂爲衛君宜從出公郊迎之說則前人已斥其非矣

四書備參二十六卷

黃縣王餘厚著

餘厚字子慎道光十七年舉人集錄前人講義與集注相發明爲制義作計亦頗詳密其校正經文字之假借異同爲初學起見亦爲場屋作地也

讀書餘味八冊

右人著

增修登州府志

卷六十一

經部

九

其七八二冊皆告子盡心二篇解似非一書也

校正說文十四卷

棲霞牟庭著

見已

校毛氏汲古閣本之誤字據他書所引者正之義皆詳實

說文廣詁十四卷

棲霞郝懿行著

見已

卽說文原本字下附注別解之出於漢魏閒諸書者此本乃其在試闈掌膳錄時所輯故皆用黃筆

養正編二卷

福山王德瑛輯

德瑛號蓮墅嘉慶十九年進士此本乃鈔撮小學

諸書村塾所素習者也

順正編四卷

右人輯

此本乃鈔撮女誡女論語內訓闡範諸篇亦小學類也

日省齋讀曲禮內則注

右人著

亦為小學作計故不入正經類

校正易林

棲霞牟庭著

見巳

定為東漢崔篆作以焦為崔之訛末附崔駰傳唐書宰相世系崔氏表

增修登州府志

卷六十一

經部

十

投壺算草

右人著

據經文所著壺徑度以覈壺之容量分為細草以求實數所以訂注疏之不合

山海經箋疏十八卷

棲霞郝懿行著

見巳

此本為阮元所刻有元所作序按山海經四庫書不列經類今以名從經附著之

